



Ilaqtariinnermut Peqqissutsimullu Ataatsimiititaliaq

30-06-2023
Sags nr. 2023 - 7010
Akt. id. 23135721

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

UPA2023/103-mut tunngatillugu apeqqutinut akissuteqaat

Asasakka Ilaqtariinnermut Peqqissutsimullu Ataatsimiititaliaq.

Matumuuna apeqqutigineqartut akissutaat:

- Kommunini tamani suliffissarsiortunut ikiorsiissutinik qinnuteqartartut ukiumut inuit qanoq amerlatigisut peqqutigineqartunilu nappaammik, suliffissaarunnermik imaluunniit angerlartitaanermik peqquteqarsimappata paasissutissat taakkua tamaasa immikkoortunngorlugit paasissutissiissutigeqqullugit Naalakkersuisut qinnuigineqarput.*

Akissut:

Naatsorsueqqissaartarfiup kisitsisai malillugit kisitsisit ima isikkoqarput:

	2018	2019	2020	2021	2022
Suliffeqannginnermi suliffeqanngikkallarnermi ikiorsiissutit	1271	953	940	703	757
Angerlartitaanermi suliffeqanngikkallarnermi ikiorsiissutit	744	466	582	541	396
Napparsimanermi suliffeqanngikkallarnermi ikiorsiissutit	798	1087	1087	1102	2197

- Siuliini taaneqartuni qinnuteqartoqarsimatillugu sulianik suliaqarnermi piffissaq qanoq annertutigisoq atorineqartarsimanersoq aamma assersuutigalugu kræftimik nappaateqartut imaluunniit aaqqissinnaanngitsunik allaniluunniit inuup sulisinnaassusaanik annikillisisisumik nappaateqartut qinnuteqarsimatillugit piffissaq suliamik suliaqarnermut atorineqartartoq assigiinngissuteqarsimanersoq paasissutissiissutigeqqullugit Naalakkersuisut qinnuigineqarput.*
 - Tamatumunnga atatillugu pissutsit suut sulianik suliaqarnermi kinguarsaataasinnaanersut Naalakkersuisunut nassuiaateqarfigeqquneqarpoq.*
 - Tamatuma avataatigut sulianik suliaqarnermik aaqqiissutissanik qanorlu iliorluni sivikillisaataasinnaasunik suliniutissanik Naalakkersuisut saqqummiusseqquneqarput.*



Akissut:

Innuttaasoq napparsimanermik, angerlartitaanermik imaluunniit suliffissarsiortuunermik nalaataqartoq, ullumikkut kommunimut qinnuteqarnermini ikiorsiissutit assigiinngitsut marluk pisinnaatitaaffigivai. Tassalu suliffeerunnermik ikiorsiissutit imaluunniit pisortanit ikiorsiissutit. Uani innuttaasoq sulisinnaassusilik pineqarpoq. Siusinaartumik pension-illit utoqqalinersiallit imaluunniit ilinniartut uani pineqaratik.

Suliffeerunnermik ikiorsiissutit Majoriamut qinnutigineqarpata, innuttaasoq qinnuteqarnermini sapaatip akunneri kingulliit 13-it minnerpaamik akunnernik 182-inik sulisimappat, innuttaasoq suliffeerunnermik ikiorsiissutinik pisinnaatitaaffeqassooq, suliffissarsiortuunguni angerlartitaanermik eqqungaasimanguni imaluunniit napparsimanermik eqqungaasimanguni. Suliffeerunnermik ikiorsiissutit sivilunerpaamik sapaatip akunneri 13-it ataannartumik pisartagarineqarsinnaapput.

Innuttaasoq suliffeerunnermik ikiorsiissutinik pisinnaatitaaffeqanngikkuni, tassalu sapaatip akunneri 13-it kingulliit akunnerit 182-it ataallugit sulisimappat pisortanik ikiorsiissutinik isumaginnittoqarfimmut qinnuteqarsinnaavoq.

Pisortanik ikiorsiissutinik qinnuteqarnermi innuttaasup qinnuteqartup inuttut inissisimanera, tassa ilaqtarinnermut tunngasut, inoqutigiinnut tunngasut, aningaasaqarnermullu tunngasut qulaajarneqaqqaartarput. Naggataatigut aaliagiiffineqartarpoq innuttaasoq, napparsimanermi imaluunniit suliffeqannginnermi nalaani pisortanit ikiorsiissutinik pisinnaatitaaffeqarnermoq. Pisortanit ikiorsiissutit, inatsisaat malillugu aappaasup / uiusup / nuliaasulluunniit aningaasatigut / isertitatigut pilersuisinnaassuseqarnera aallaavigalugu ikiorsiissutit innuttaasumut tunniunneqassanersut imaluunniit itigartitsissutigineqarnerisut aaliagiiffineqartarluni.

Innuttaasunik sullissineq eqqarsaatigalugu kommunimit sullissineq akisussaaffineqartarpoq. Innuttaasoq ikiorsiissutinik qinnuteqarpat, sapaatip akunnera sivilunerpaamillu sapaatip akunneri marluk ingerlanerani ikiorsiissutit innuttaasunut tunniunneqarsinnaasarlutik.

Pisortanik ikiorsiissutit qinnutiginerani pisariaqarsimappat, paasissutissat amerlanerusut kommunimut tunniunneqassasut, suliap sivilsorsinnaanera pisinnaavoq. Paasissutissat tamakkiisut innuttaasup kommunimut tunniutissallugit pisussaaffigimmagu, suliap naammassinissaanut kinguarsaataasinnaallutik kinguneqarsinnaavoq.

Ukioq 2022 suliffissarsiortunut ikiorsiissutit nuna tamakkerlugu pikkorissaassutigisaqattaarneranni, inatsisissamut nutaamut, suliffissarsiortunut ikiorsiissutinik qinnuteqarnermi sullissineq "sukkanerusoq" kommunit eqqaamasariaqaraat oqariatuutigisaqattaarparput. Naalakkersuisoqarfiup ataasiarnani, apeqquteqaatit kommunimit tigusarsimasani aallaavigalugit taamatut oqariatuuteqarluta.

Kommunit ataasiakkaat ilaatigut apeqquteqartarsimapput, innuttaasoq qaammatit arlallit matuma siorna napparsimasutut inissisimasimasoq, napparsimangersiutinik qinnuteqarmat sullinneqarsinnaanersoq apeqqutigineqartarsimammat.

Siunissami suliffissarsiortunik ikiorsiissutit aammalu pisortanit ikiorsiissutinut inatsisissat nutaat atuutilerpata aammalu IT system-issaq nutaq kommunimit atorneqalerpat, sullissineq pitsaaningussasoq takorloorneqarsinnaavoq.



3. *Itigartitsinerit (apeqqummit siullermit) qassiusimani ilisimatitsissutigeqqullugit Naalakkersuisut qinnuigineqarput.*

Akissut:

Itigartitsinerit qanoq amerlatiginersut Naalakkersuisoqarfiup ilisimangilai.

Qulaani taaneqareersutut, innuttaasunik sullissineq kommunit isumagisarivaat. Suliffeerunnermik ikiorsiissutit eqqarsaatigalugit, kommuni innuttaasup ikiorsiissutisissaminut qinnuteqaataanut itigartitsisimaguni pinngitsoorani kommuni innuttaasooq allagarsitittussaavaa, itigartitsinerimut peqqutaasooq nalunaarutigalugu. Innuttaasup kommunimit itigartitsineq naammaginngikkuniuk innuttaasup Isumaginninnermut Naammangittaalliorsinnaaneraniq ilitsersuummik imaqartumik.

Isumaginninnermi Naammagittaalliuuteqartarfiup ukiumoortumik nalunaarutaanni Suliffeerunnermut ikiorsiissutit pillugit maalaarutit ima amerlatigisut suliarisimavaat:

2022: 6
2021: 19
2020: 2
2019: 1

Inussiarnersumik Inuulluaqqusillunga

Med venlig hilsen

Jess Svane